



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 32. De Baiulatione crucis.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

5. Manus cum Pilato lauamus. & simul condemnamus Christum, cum id quod religioni nobis ducimus, tamen perpetramus, etiam excusando, coactos nos, seu aliqua tentatione seu timore humano.

6. Iniqua hominum de nobis iudicia exemplo Christi, cui seruimus, moderatè ferenda sunt. Ille enim iniquissimam à Pilato sententiam, amore nostrì patientissimè sustinuit.

7. Quàm sèpè, vt mundo aut carni gratum aliquid præstemus, aut propter honores, aliaque bona temporalia, more Pilati iniuste aliquid agendo, Christum damnauimus?



MEDITATIO XXXII.

DE BAIVLATIONE

CRVCIS.

PVNCTA MEDITATIONIS.

I. *Apprehendentes IESVM illuserunt ei, exuentes eum purpura, & induentes vestimentis suis.* Mat. 27
Marc. 15
Ioan. 19.

II. *Eduxerunt eum, vt crucifigerent.*

III. *Baiulans sibi crucem, exiuit in montem Caluarie.*

FIGVRA.

ISAAC cum patre ad mortem proficiscens, in quo sacrificaretur, ligna sacrificij gestabat in humeris. Gen. 22.

N 6

Præ-

Leu. 4. Præcepit Deus lege veteri, vt ad peccati expiationem sumeretur vitulus sine macula, qui extra castra elatus comburetur.

PROPHETIÆ.

Esai. 22. **D**ABO clauem domus David super humerum eius.

Isaia. 9. Factus est principatus super humerum eius.

Isaia. 53. Sicut ouis ad occisionem ducitur; & tanquam agnus coram tondentibus se obmutescit.

DOCUMENTA.

1. **S**I Christus Dominus noster portauit crucem, debemus & nos portare nostram, id erit si in tentationibus patientiam conseruemus, lubenter amplectamur mortificationes quasuis, & occurrentes in ipsius seruitio molestias, vt eo similiores simus capiti nostro Christo, quem sequimur.

2. Si serui Christi esse volumus, non fugienda, sed amplectenda nobis est crux & induenda. Crux enim est insigne quod Christus sibi militantium vestibus in hac vita vult esse affixum.

3. Cùm exiret Christus crucem gestans è domo Pilati ad montem Caluarie, reliquit ibi vestes, quas illi Herodis & Pilati satellites imposuerant. Sic religiosi, cum egrediuntur è mundo, vt crucem obedientie ferant ad montem perfectionis, relinquere debent.

debent vitiosos omnes habitus & consuetudines mundi ; & induere se vestibus Christi, quæ sunt virtutes ipsius.

4. Pro Christo crucem portant ij soli , qui Christum sequuntur. Itaque si quis aliud præter Christum persequitur , si quæ crux illi ferenda obueniat , non Christo , sed suis eam cupiditatibus portat.

5. Suam crucem , quam à Patre acceperat , Christus tulit , sic nos debemus tollere crucem nostram , illam quam Deus imponit , non quæ nobis videtur. Hoc est , ex ijs tentationibus & rebus , quæ nobis diuinitus obueniunt , profectum quarere debemus , non alias præferre & optare , quando ipse nouit quod nobis vltimum sit.



MEDITATIO XXXIII.
CHRISTVS MULIERES.

ALLOQUITVR.

PVNCTA MEDITATIONIS.

I. IESVS conuersus ad mulieres sequentes ac plangentes dixit : Nolite flere super me ; sed super vos , & super filios vestros. *Luc. 23^o*

II. Si in viridi ligno hæc faciunt ; in arido quid fiet ?

III. Ducebantur alij duo nequam cum illo , vt interficerentur.

N. 7.

FIGV-